



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-02-3559/09  
Sarajevo, 23.12.2009. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 29. 12. 2009.			
Organizaciona jedinica	Klasifikaciona oznake	Redni broj	Broj priloga
01,02-02-9		122/09	

B

**PARLAMENTARNA SKUPŠTINA BiH**  
*- Zastupnički dom -*  
*- Dom naroda -*

**SARAJEVO**

**PREDMET:** Prijedlog zakona o sprečavanju sukoba interesa  
u institucijama Bosne i Hercegovine

Vijeće ministara Bosne i Hercegovine, na 106. sjednici održanoj 3.12.2009. godine, utvrdilo je Prijedlog zakona o sprečavanju sukoba interesa u Bosni i Hercegovini, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi sa navedenim, u privitku dostavljamo Prijedlog zakona o sprečavanju sukoba inters u institucijama Bosne i Hercegovine, na bosanskom, hrvatskom i srpskom jeziku, kao i pismo Ureda Visokog predstavnika koje se odnosi na test Prijedloga zakona. Istodobno dostavljamo i elektronsku verziju Prijedloga zakona.

Također, Vijeće ministara preporučuje Parlamentarnoj skupštini Bosne i Hercegovine da u tijeku parlamentarne procedure zatraži mišljenje eksperata Venecijanskog povjerenstva o predmetnom zakonu sukladno prijedlogu iz pisma Ureda Visokog predstavnika.

S poštovanjem,



**GENERALNI TAJNIK**

Zvonimir Kutleša

**BOSNA I HERCEGOVINA  
MINISTARSTVO PRAVDE**

**PRIJEDLOG:**

**ZAKON  
O SPREČAVANJU SUKOBA INTERESA U INSTITUCIJAMA  
BOSNE I HERCEGOVINE**

Sarajevo, oktobar 2009. godine

Na osnovu člana IV 4. a) i e) Ustava Bosne i Hercegovine, Parlamentarna skupština Bosne i Hercegovine, na sjednici Zastupničkog doma, održanoj \_\_\_\_\_ 2009. godine, i sjednici Doma naroda, održanoj \_\_\_\_\_ 2009. godine, usvojila je

## **ZAKON O SPREČAVANJU SUKOBA INTERESA U INSTITUCIJAMA BOSNE I HERCEGOVINE**

### **POGLAVLJE I (OPĆE ODREDBE)**

#### **Član 1. (Predmet)**

- (1) Ovim zakonom uređuje se sprečavanje sukoba interesa javnih zvaničnika pri obavljanju javne funkcije u institucijama Bosne i Hercegovine.
- (2) Sukob interesa postoji u situacijama u kojima javni zvaničnici imaju privatni interes koji utječe ili može utjecati na zakonitost, otvorenost, objektivnost i nepristrasnost pri obavljanju javne funkcije.

#### **Član 2. (Principi djelovanja)**

- (1) Javni zvaničnici prilikom obavljanja javne funkcije moraju djelovati u interesu građana.
- (2) Pri obavljanju javne funkcije javni zvaničnici ne smiju svoj privatni interes stavljati iznad javnog.
- (3) Javni zvaničnici pri obavljanju javnih funkcija moraju postupati zakonito, efikasno, nepristrasno, časno i pridržavati se principa odgovornosti, poštenja, savjesnosti, otvorenosti i vjerodostojnosti.
- (4) Javni zvaničnici lično su odgovorni za svoje djelovanje prilikom obavljanja javnih funkcija na koje su imenovani, odnosno izabrani, i politički su odgovorni prema organu ili građanima koji su ih imenovali ili izabrali.
- (5) Javni zvaničnici koji obavljaju javne funkcije treba da se ponašaju savjesno i odgovorno, da ne ugrožavaju povjerenje i pouzdanje građana, da poštuju zakonske i druge propise kojima se uređuju prava, obaveze i odgovornosti prilikom obavljanja javnih funkcija.
- (6) Pri obavljanju javnih funkcija javni zvaničnici moraju se pridržavati etike poziva i funkcija koje obavljaju.
- (7) Javni zvaničnici ne smiju koristiti javnu funkciju za ličnu dobit osobe koja je s njima povezana. Izabrani zvaničnici, nosioci izvršne funkcije i savjetnici ne smiju biti ni u kakvom odnosu zavisnosti prema osobama koje bi mogle utjecati na njihovu objektivnost.

(8) Pri obavljanju javnih funkcija javni zvaničnici obavezni su imovinu, sredstva za rad i finansijska sredstva koja su im povjerena koristiti isključivo u svrhu za koju su namijenjena i na odgovoran i racionalan način.

(9) Javni zvaničnici u vrijeme obavljanja javne funkcije primaju plaću i naknade za funkciju koju obavljaju u skladu sa zakonima i drugim propisima.

### **Član 3. (Definicije)**

U smislu Zakona o sukobu interesa u institucijama vlasti Bosne i Hercegovine:

- a) "javni zvaničnik" podrazumijeva izabranog zvaničnika, nosioca izvršnih funkcija, imenovanog zvaničnika i savjetnika (u daljem tekstu: javni zvaničnik);
- b) "izabrani zvaničnik" podrazumijeva člana Predsjedništva Bosne i Hercegovine (u daljem tekstu: Predsjedništvo BiH) i člana Parlamentarne skupštine Bosne i Hercegovine (u daljem tekstu: Parlamentarna skupština BiH);
- c) "nosilac izvršne funkcije" podrazumijeva predsjedavajućeg Vijeća ministara Bosne i Hercegovine, ministra, zamjenika ministra u Vijeću ministara Bosne i Hercegovine (u daljem tekstu: Vijeće ministara BiH);
- d) "imenovani zvaničnik" podrazumijeva izabranog i imenovanog zvaničnika te zvaničnika za čiji je izbor ili imenovanje saglasnost dalo Predsjedništvo BiH ili Parlamentarna skupština BiH ili Vijeće ministara BiH, odnosno pojedino ministarstvo u Vijeću ministara BiH;
- e) „savjetnik“ podrazumijeva savjetnika izabranog zvaničnika, imenovanog zvaničnika i nosioca izvršnih funkcija koji nije državni službenik;
- f) "ovlaštenom osobom" smatra se osoba koja je osnivačkim aktom ili statutom ovlaštena da predstavlja i zastupa preduzeće, udruženje ili fondaciju. Pod ovlaštenom osobom također se podrazumijeva i poduzetnik, odnosno subjekt koji samostalno na tržištu obavlja djelatnosti radi stjecanja dobiti;
- g) "srodnicima" se smatraju bliski srodnici, srodnici u pravoj liniji, srodnici u pobočnoj liniji do drugog stepena te srodnici po tazbini do prvog stepena;
- h) „bliskim srodnicima“ smatraju se bračni i vanbračni drug, dijete, majka, otac, usvojitelj i usvojenik javnog zvaničnika;
- i) „interesno povezana osoba“ podrazumijeva srodnika ili osobu koja je s javnim zvaničnikom u ličnoj, političkoj, ekonomskoj ili drugoj vezi, a koja bi mogla utjecati na objektivnost u radu javnog zvaničnika;
- j) „ulaganje kapitala“ je ulaganje novca, stvari i prava u vlasničku strukturu preduzeća;
- k) "finansijski interes" označava:
  - svaki interes kojim se javnom zvaničniku omogućava da primi novac u vrijednosti većoj od 10.000,00 KM godišnje, te
  - svaki vlasnički interes koji ima javni zvaničnik, a koji odgovara vrijednosti najmanje 50.000,00 KM u nekom preduzeću, društvu neograničene odgovornosti, komanditnom društvu, dioničarskom društvu ili društvu ograničene odgovornosti;

- l) „poklonom“ se smatra poklon u vezi s obavljanjem javne funkcije, a podrazumijeva stvari, prava, usluge bez naknade te neku drugu korist datu ili obećanu javnom zvaničniku, npr: ugostiteljsku uslugu, uslugu noćenja, oprost duga ili obaveze, putni trošak ili sličnu uslugu; ulaznicu, umjetnički predmet, suvenir, osiguranje ili sličnu uslugu; te medicinsku ili sličnu uslugu koju javni zvaničnik nije lično platio po tržišnoj cijeni;
- m) „privatno preduzeće“ podrazumijeva svako zakonom utvrđeno preduzeće, koje nije javno preduzeće definisano u daljem tekstu;
- n) „javno preduzeće“ je registrovano preduzeće koje ima status javnog preduzeća u skladu sa zakonima o javnim preduzećima;
- o) „javna funkcija“ podrazumijeva poslove javnog zvaničnika koji proizlaze iz funkcije koju obavlja;
- p) „organi vlasti“ podrazumijevaju zakonodavnu, izvršnu i sudsku vlast na svim nivoima koji se finansiraju iz budžeta;
- r) „lična usluga“ je svako djelovanje kojim se jedna strana obavezuje da obavi određeni posao, a druga da joj za to plati određenu naknadu, a koji ne proizlazi iz radnog odnosa;
- s) „zajedničko domaćinstvo“ podrazumijeva zajednicu stanovanja, privređivanja i trošenja ostvarenih prihoda bliskih srodnika, što se dokazuje izjavom o zajedničkom kućanstvu.

#### **Član 4. (Nespojivosti)**

- (1) Članstvo u upravi ili menadžmentu ili obavljanje dužnosti ovlaštene osobe u javnom preduzeću nespojivo je s javnim funkcijama javnih zvaničnika.
- (2) Javni zvaničnik može biti član jednog upravnog ili nadzornog odbora ili skupštine javnog preduzeća, bez prava na naknadu.
- (3) Članstvo u upravnom ili nadzornom odboru ili obavljanje dužnosti ovlaštene osobe direkcije ili agencije za privatizaciju, investicionih fondova, investicionih banaka, razvojne banke, fondova i agencija u kojima je državni kapital veći od 50% nespojivo je s javnim funkcijama javnih zvaničnika.
- (4) Angažman u privatnom preduzeću, u uvjetima u kojima se stvara sukob interesa, nespojiv je s javnim funkcijama javnih zvaničnika.
- (5) Javni zvaničnici moraju podnijeti ostavku na svaku od nespojivih funkcija i poslova najkasnije u roku 30 dana nakon preuzimanja javne funkcije, a nakon podnošenja ostavke ne mogu obavljati funkciju ili posao na koji su podnijeli ostavku.



**Član 5.**  
**(Javna preduzeća i agencije za privatizaciju)**

(1) Javni zvaničnici u vrijeme obavljanja javne funkcije i šest mjeseci nakon prestanka obavljanja te funkcije ne mogu biti članovi uprave ili menadžmenta, niti obavljati dužnost ovlaštene osobe u javnom preduzeću, osim izuzetka iz Člana 4. stav 2. ovog zakona.

(2) Javni zvaničnici u vrijeme obavljanja javne funkcije i šest mjeseci nakon prestanka obavljanja te funkcije ne mogu biti članovi upravnog ili nadzornog odbora niti ovlaštene osobe direkcije ili agencije za privatizaciju, investicionih fondova, investicionih banaka, razvojne banke, fondova i agencija u kojima je državni kapital veći od 50%.

**Član 6.**  
**(Privatna preduzeća)**

(1) Javni zvaničnici ne mogu biti članovi skupštine, nadzornog odbora, uprave ili menadžmenta, niti biti u svojstvu ovlaštene osobe privatnog preduzeća u koje je organ vlasti, u okviru koga javni zvaničnik vrši javnu funkciju, ulagao kapital dvije godine prije preuzimanja dužnosti, u vrijeme vršenja i jednu godinu nakon prestanka vršenja dužnosti u tom organu od javnog zvaničnika.

(2) Javni zvaničnici ne mogu biti članovi skupštine, nadzornog odbora, uprave ili menadžmenta, niti biti u svojstvu ovlaštene osobe bilo kojeg privatnog preduzeća koje sklapa ugovore ili na drugi način posluje s organima vlasti koji se finansiraju iz budžeta na bilo kojem nivou. Ova odredba primjenjuje se samo na privatna preduzeća koja su sklopila ugovor ili posluju s organima vlasti koji se finansiraju iz budžeta, dok je javni zvaničnik vršio funkciju, i to samo onda kada je vrijednost ugovora ili posla s organima vlasti koji se finansiraju iz budžeta u ukupnom iznosu veća od 30.000,00 KM godišnje.

**Član 7.**  
**(Zabrana djelovanja u slučaju sukoba interesa)**

(1) Javni zvaničnici prilikom učestvovanja u kolektivnom odlučivanju ne mogu glasati o bilo kojem pitanju koje se direktno tiče privatnog preduzeća, pravnog ili fizičkog subjekta koji posluje na tržištu, u kojem ti javni zvaničnici ili interesno povezane osobe imaju finansijski interes. Javni zvaničnici koji se nađu u takvoj situaciji uzdržat će se od glasanja te na otvorenoj sjednici objasniti razloge zbog kojih su uzdržani.

(2) Javni zvaničnici prilikom samostalnog odlučivanja neće poduzimati bilo kakve službene radnje koje bi mogle direktno utjecati na privatno preduzeće, pravni ili fizički subjekt koji posluje na tržištu, u kojem ti javni zvaničnici ili interesno povezane osobe imaju finansijski interes. Javni zvaničnici će u takvoj situaciji proslijediti donošenje odluke o poduzimanju radnje drugom nadležnom organu i pismeno navesti razloge tog prosljeđivanja.

(3) Odredbe ovog člana primjenjivat će se i na situacije u kojima se radi o osobi na drugi način povezanoj s javnim zvaničnicima, kada može doći u pitanje njihova objektivnost pri glasanju i odlučivanju.

**Član 8.**  
**(Pružanje ličnih usluga)**

(1) Javni zvaničnici ne mogu sklapati ugovore o pružanju ličnih usluga s bilo kojim javnim preduzećem.

(2) Javni zvaničnici ne mogu sklapati ugovore o pružanju ličnih usluga s bilo kojim privatnim preduzećem koje sklapa ugovore ili na drugi način posluje s organima vlasti na bilo kojem nivou u iznosu većem od 30.000,00 KM godišnje.

(3) Ugovor javnog zvaničnika sklopljen suprotno odredbama stavova 1. i 2. ovog člana smatrat će se ništavnim, a postupak za poništenje će pokretati Pravobranilaštvo Bosne i Hercegovine.

**Član 9.**  
**(Angažman bliskih srodnika)**

Do sukoba interesa za javnog zvaničnika dovodi i situacija kada njegovi bliski srodnici, koji s njim žive u zajedničkom domaćinstvu, obavljaju nespojive dužnosti iz članova 5. i 6. ovog zakona i prime poklon u ime javnog zvaničnika suprotno odredbama ovog zakona.

**Član 10.**  
**(Zabranjene aktivnosti)**

Javnom zvaničniku se zabranjuje:

- a) primiti ili zahtijevati poklon ili drugu korist ili obećanje poklona ili druge koristi radi obavljanja poslova u okviru javne funkcije;
- b) primiti dodatnu naknadu za poslove vršenja javne funkcije mimo zakonskih propisa o plaćama i naknadama uposlenih u institucijama Bosne i Hercegovine i drugih propisa;
- c) tražiti, prihvatiti ili primiti vrijednost ili uslugu radi glasanja o bilo kojem pitanju ili utjecati na odluku nekog organa ili osobe;
- d) obećavati zaposlenje ili neko drugo pravo u zamjenu za poklon ili obećanje poklona;
- e) privilegovati osobe zbog stranačkog ili drugog opredjeljenja ili zbog porijekla, ličnih, interesnih ili porodičnih veza;
- f) utjecati na dobivanje poslova u kojima se država pojavljuje kao naručilac, s ciljem stjecanja materijalne ili nematerijalne koristi za sebe ili za drugoga;
- g) koristiti informacije državnih organa radi lične koristi ili koristi interesno povezanih osoba i
- h) na drugi način koristiti svoj položaj kako bi utjecao na zakonodavne, izvršne ili sudske vlasti te tako postigao ličnu korist ili korist interesno povezanih osoba, povlasticu ili pravo, sklopio pravni posao ili na drugi način interesno pogodio sebi ili drugoj interesno povezanoj osobi.

**Član 11.**  
**(Primanje poklona)**

- (1) Javni zvaničnik ne smije primiti poklone za obavljanje javne funkcije, osim protokolarnih i prigodnih poklona manjih vrijednosti. Protokolarnim poklonima smatraju se pokloni predstavnika drugih državnih i međunarodnih organizacija koji se daju tokom posjete, gostovanja ili drugih prilika, te ostali pokloni dati u sličnim okolnostima. Prigodnim poklonima manje vrijednosti smatraju se pokloni vrijedni do 200,00 KM.
- (2) Poklon u vrijednosti do 200,00 KM javni zvaničnici mogu zadržati i nije potrebno da ga prijavljuju.
- (3) Poklonom u smislu Stava 2. ovog člana smatra se i više poklona koje da ista osoba u periodu jedne godine.
- (4) Poklone u vrijednosti većoj od one iz Stava 2. ovog člana javni zvaničnici ne smiju zadržati, već su ih obavezni prijaviti i predati instituciji vlasti u kojoj obavljaju javnu funkciju. Institucije su dužne u roku 30 dana od dana stupanja na snagu ovog zakona, posebnim aktom propisati postupak, način evidentiranja, predaje i čuvanja primljenih poklona. Institucije su dužne informaciju o predatim poklonima dostaviti Centralnoj izbornoj komisiji Bosne i Hercegovine (u daljem tekstu: CIKBiH) u roku 15 dana od dana sačinjavanja informacije. CIKBiH dužna je uspostaviti centralni registar poklona koje su javni zvaničnici primili u vrijeme obavljanja javne funkcije.
- (5) Javni zvaničnik ne smije primiti novac, ček ili drugi vrijednosni papir, bez obzira na iznos.
- (6) Vrijednost poklona je njegova tržišna vrijednost.
- (7) Primanje poklona, prema stavovima od 1. do 6. ovog člana, odnosi se i na osobe koje bi primile poklon u korist javnog zvaničnika, s tim da takve osobe znaju za primanje poklona.

**Član 12.**  
**(Obavljanje dužnosti ovlaštenih osoba)**

- (1) U vrijeme vršenja javne funkcije javni zvaničnici ne smiju obavljati dužnost ovlaštenih osoba u fondacijama i udruženjima, osnovanim u skladu sa zakonima o udruženjima i fondacijama, koji se sufinansiraju iz budžeta vlasti, u ukupnom godišnjem iznosu većem od 10.000,00 KM, odnosno u ukupnom godišnjem iznosu većem od 50.000,00 KM u fondacijama i udruženjima iz oblasti kulture i sporta.
- (2) U vrijeme vršenja javne funkcije javni zvaničnici ne smiju obavljati dužnost ovlaštenih osoba u fondacijama i udruženjima, koji su registrovani u skladu sa zakonima o udruženjima i fondacijama Bosne i Hercegovine i djeluju na nivou Bosne i Hercegovine, a koji se sufinansiraju iz budžeta vlasti u ukupnom godišnjem iznosu većem od 20.000,00 KM, odnosno u ukupnom godišnjem iznosu većem od 100.000,00 KM u fondacijama i udruženjima iz oblasti kulture i sporta.



## **POGLAVLJE II (OTVORENOST)**

### **Član 13. (Lično finansijsko stanje)**

- (1) Javni zvaničnik dužan je da, u roku 30 dana od dana stupanja na funkciju, podnese CIK-u BiH izvještaj o svojoj imovini i prihodima, te imovini i prihodima bliskih srodnika koji žive u zajedničkom domaćinstvu s njim (u daljem tekstu: izvještaj), prema stanju na dan izbora, postavljanja ili imenovanja.
- (2) Javni zvaničnik dužan je da u izvještaju navede tačne podatke.
- (3) U toku vršenja javne funkcije javni zvaničnik podnosi izvještaj:
  - jednom godišnje, do 31.03. u tekućoj godini za prethodnu godinu,
  - u slučaju promjene podataka iz izvještaja koji se odnose na jednokratno uvećanje imovine u vrijednosti većoj od 30.000,00 KM u roku 30 dana od dana nastanka promjene.
- (4) U roku 30 dana po isteku roka od šest mjeseci nakon prestanka obavljanja javne funkcije javni zvaničnik dužan je CIK-u BiH podnijeti izvještaj, prema stanju na dan podnošenja izvještaja.

### **Član 14. (Sadržaj izvještaja)**

- (1) Izvještaj se sastoji od obrasca ličnih podataka i izjave o ukupnom imovinskom stanju javnog zvaničnika.
- (2) Bliži sadržaj izvještaja i formu obrasca na kome se izvještaj podnosi propisuje CIK BiH pravilima o vođenju postupka iz oblasti Zakona o sukobu interesa, koja će donijeti u roku 60 dana od dana stupanja na snagu ovog zakona.

### **Član 15. (Registar prihoda i imovine javnih zvaničnika)**

- (1) Podaci iz izvještaja evidentiraju se u Registar prihoda i imovine koji vodi CIK BiH.
- (2) Podaci iz Stava 1. ovog člana dostupni su javnosti.
- (3) Registar prihoda i imovine javnih zvaničnika propisuje CIK BiH, pravilnikom koji donosi u roku 60 dana od dana stupanja na snagu ovog zakona.

## **POGLAVLJE III (PROVOĐENJE I POSTUPAK PRED CIK-om BiH)**

### **Član 16. (Nadležnost)**

- (1) Za provođenje ovog zakona nadležna je CIK BiH.
- (2) CIK BiH u skladu s ovim zakonom:

- a) djeluje kako bi osigurala političku odgovornost javnih zvaničnika, vodeći računa o zaštiti integriteta javne funkcije;
  - b) daje mišljenja, provodi postupak i donosi odluke o tome predstavlja li neko djelovanje ili propust kršenje odredbi ovog zakona;
  - c) podnosi godišnji izvještaj o provođenju ovog zakona Parlamentarnoj skupštini BiH i javnosti;
  - d) podnosi izvještaj nadležnom tužilaštvu u svakom slučaju kršenja ovog zakona koje može predstavljati krivično djelo;
  - e) donosi pravila o vođenju postupka iz oblasti Zakona o sukobu interesa, donosi pravilnike o načinu vođenja registara i vodi centralni registar poklona, registar pokrenutih postupaka, registar izrečenih sankcija, registar prihoda i imovine te propisuje izgled i sadržaj obrazaca na kojima se podnosi izvještaj.
- (3) Za administrativno-tehničke i stručne poslove u vezi s provođenjem ovog zakona CIKBiH uspostavlja Službu za provođenje Zakona o sukobu interesa iz postojećeg sastava zaposlenika.

### **Član 17.** **(Opće odredbe postupka)**

- (1) CIKBiH pokreće postupak, prema službenoj dužnosti, i vodi ga u skladu s odredbama Zakona o upravnom postupku, odredbama ovog zakona i Pravilima o vođenju postupka iz oblasti Zakona o sukobu interesa.
- (2) CIKBiH je dužna, na traženje javnih zvaničnika, institucija Bosne i Hercegovine, javnih preduzeća, javnih ustanova, privatnih preduzeća, pravnih i fizičkih subjekata, političkih stranaka i građana, dati mišljenje o tome da li određena situacija, u kojoj se nalazi ili se može naći javni zvaničnik ili njegov bliski srodnik, dovodi ili bi dovela do kršenja odredbi ovog zakona.
- (3) CIKBiH ima pravo utvrditi činjenice vlastitom istragom ili pribaviti činjenice ili dokaze djelovanjem drugih organa vlasti. Svi organi vlasti, institucije i sudovi na svim nivoima u Bosni i Hercegovini obavezni su CIK-u BiH pružiti zatraženu pravnu i sve druge vrste pomoći.
- (4) CIKBiH može postupati i prema prijavi treće osobe, s tim što se ta prijava ne smatra zahtjevom za pokretanje postupka, a podnosilac prijave nije stranka u postupku.
- (5) Ukoliko pribavljene činjenice i dokazi nakon izvršenih provjera u smislu Stava 3. ovog člana ukazuju na to da postoji osnovana sumnja o kršenju odredbi ovog zakona od javnog zvaničnika, CIKBiH donosi odluku o pokretanju postupka.
- (6) CIKBiH dužna je osobi protiv koje se vodi postupak omogućiti da dā izjavu.

### **Član 18.** **(Sankcije)**

- (1) Ako se utvrdi da je javni zvaničnik u sukobu interesa zbog kršenja odredbi iz članova 4, 5, 6, 7, 9. i 12. ovog zakona, kaznit će se novčanom kaznom u iznosu od 1.000,00 do 10.000,00 KM.

(2) Ako se utvrdi da je javni zvaničnik u sukobu interesa zbog kršenja odredbi iz članova 8, 10, 11. i 13. ovog zakona, kaznit će se novčanom kaznom u iznosu od 500,00 do 5.000,00 KM.

(3) Javni zvaničnik, za kojeg se utvrdi da je u sukobu interesa zbog kršenja ovog zakona, a koji u roku 60 dana od dana pokretanja postupka u potpunosti otkloni postojeći sukob interesa, ukoliko je takav sukob interesa otklonjiv, može se osloboditi od izricanja novčane kazne, ako taj javni zvaničnik nije ranije odgovarao zbog kršenja odredbi ovog zakona, te ako se postupak vodi samo zbog jednog, a ne više kršenja odredbi ovog zakona od tog javnog zvaničnika.

(4) Javni zvaničnik dužan je vratiti stvari, prava i/ili imovinsku korist koju je stekao kršenjem odredbi ovog zakona.

(5) Ukoliko javni zvaničnik u roku iz Stava 3. ovog člana ne vrati stvari, prava i/ili imovinsku korist, CIK BiH će istom izreći sankciju oduzimanja stvari, prava i/ili stečene imovinske koristi.

(6) Novčane kazne, troškovi postupka i oduzeta imovinska korist uplaćuju se u Budžet institucija Bosne i Hercegovine i međunarodnih obaveza Bosne i Hercegovine.

#### **Član 19.** **(Žalbeni postupak)**

(1) Žalbu na odluku CIK-a BiH, iz oblasti primjene ovog zakona, rješava Apelacioni odjel Suda Bosne i Hercegovine.

(2) Žalba se podnosi u roku 15 dana od dana prijema odluke, putem CIK-a BiH.

#### **Član 20.** **(Izvršenje sankcija)**

(1) Postupak izvršenja odluka koje se odnose na novčane kazne, oduzete stvari, prava, imovinsku korist i troškove postupka vrši se na način propisan posebnim zakonom, a provodi ga Pravobranilaštvo BiH.

#### **Član 21.** **(Zastarijevanje)**

(1) Postupak zbog kršenja odredbi ovog zakona od javnih zvaničnika ili njihovih bliskih srodnika može se pokrenuti u roku četiri godine od dana kršenja odredbi ovog zakona.

(2) Postupak zbog kršenja odredbi ovog zakona ne može se voditi kada protekne dvostruko više vremena od vremena predviđenog za pokretanje postupka.

(3) Postupak izvršenja novčane kazne i troškova postupka zastarijeva u skladu s općim propisima o zastarijevanju izvršenja novčanih potraživanja.

## **POGLAVLJE IV (PRIJELAZNE I ZAVRŠNE ODREDBE)**

### **Član 22.**

#### **(Provođenje drugih zakona iz oblasti sukoba interesa)**

- (1) Federacija Bosne i Hercegovine, Republika Srpska i Brčko Distrikt Bosne i Hercegovine mogu svojim zakonima iz oblasti sukoba interesa ovlastiti CIK BiH na provođenje tih zakona.
- (2) Ukoliko Federacija Bosne i Hercegovine, Republika Srpska i Brčko Distrikt Bosne i Hercegovine postupe u skladu s prethodnim stavom, dužni su svoje zakone uskladiti s odredbama ovog zakona.

### **Član 23.**

#### **(Primjena Zakona na započete postupke)**

Postupci započeti prije stupanja na snagu ovog zakona dovršit će se u skladu s odredbama ovog zakona.

### **Član 24.**

#### **(Stupanje na snagu)**

- (1) Danom stupanja na snagu ovog zakona prestaje važiti Zakon o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03, 12/04 i 63/08).
- (2) Ovaj zakon stupa na snagu osmog dana od dana objavljivanja u „Službenom glasniku BiH”, a bit će objavljen i u „Službenim novinama Federacije BiH”, „Službenom glasniku RS” i „Službenom glasniku Brčko Distrikta BiH”.

PSBiH, broj \_\_\_\_\_/09

\_\_\_\_\_ 2009. godine

S a r a j e v o

Predsjedavajući  
Zastupničkog doma  
Parlamentarne skupštine BiH

---

Predsjedavajući  
Doma naroda  
Parlamentarne skupštine BiH

---

# OBRAZLOŽENJE

## I - PRAVNI OSNOV

Pravni osnov za donošenje ovog zakona sadržan je u odredbi Člana IV 4. a) i e) Ustava Bosne i Hercegovine. Tim odredbama predviđeno je da Parlamentarna skupština BiH donosi zakone potrebne za provođenje odluka Predsjedništva BiH ili za izvršenje nadležnosti Skupštine BiH te ostale stvari potrebne za izvršavanje njenih dužnosti ili onih koje su joj dodijeljene uzajamnim sporazumom entiteta.

## II - RAZLOZI ZA DONOŠENJE

Povodom Zaključka Doma naroda Parlamentarne skupštine Bosne i Hercegovine, br. 02-50-1-16-16/08, od 05.05.2008. godine, kojim je inicirano imenovanje Interresorne radne grupe za izradu Zakona o sukobu interesa u institucijama vlasti BiH i Zaključka Zastupničkog doma Parlamentarne skupštine Bosne i Hercegovine, donesenog na 29. sjednici održanoj 04.06.2008. godine, zaduženo je Vijeće ministara BiH da pristupi izradi novog Nacrta zakona o sukobu interesa u institucijama vlasti BiH, koji će biti zasnovan na pozitivnim iskustvima zemalja članica Evropske unije te iskustvima Centralne izborne komisije BiH.

Vijeće ministara BiH je, povodom navedenih zaključaka Doma naroda i Zastupničkog doma Parlamentarne skupštine Bosne i Hercegovine na 52. sjednici, održanoj 12.06.2008. godine, donijelo Zaključak kojim su Ministarstvo pravde BiH kao resorno ministarstvo i Centralna izborna komisija BiH zaduženi za realizaciju navedenih zaključaka.

Ministarstvo pravde Bosne i Hercegovine, postupajući prema Zaključku Vijeća ministara BiH, obratilo se institucijama zaduženim za izradu Zakona radi dostavljanja imena članova Interresorne radne grupe.

Nakon dostavljanja imena članova, Ministarstvo pravde BiH je Prijedlog odluke o imenovanju članova Interresorne radne grupe za izradu Zakona o sukobu interesa u institucijama vlasti BiH aktom (broj: 08-07-7858/08) od 29.10.2008. godine dostavilo Vijeću ministara BiH na razmatranje i donošenje odluke.

U novembru 2008. godine donesena je Odluka o imenovanju Interresorne radne grupe, koja je objavljena u „Službenom glasniku BiH“ (broj: 2/09), nakon čega je Interresorna radna grupa počela s radom.

Interresorna radna grupa je problematiku Zakona o sprečavanju sukoba interesa u institucijama BiH sagledavala s više aspekata i u skladu s tim predlagala pojedinačna rješenja.

Prilikom utvrđivanja kriterija i mjerila izvršeno je kompariranje sličnih zakona na nivou BiH, zakona entiteta u BiH te zakona u državama iz okruženja.

## III - USKLAĐENOST S EVROPSKIM ZAKONODAVSTVOM

Na nivou Evropske unije ne postoji zvaničan pravni akt kojim se definiše oblast koja je predmet ovog zakona i s kojim bi se, eventualno, bilo u obavezi usklađivati zakonodavstvo BiH.

Postoje zajednički principi Evropske unije u ovoj oblasti, od kojih putem odredbi Zakona o sukobu interesa u institucijama vlasti BiH nije odstupljeno.



#### **IV - FINANSIJSKA SREDSTVA**

Za realizaciju ovog zakona nije potrebno izdvajanje posebnih finansijskih sredstava.

#### **V - OBRAZLOŽENJE PREDLOŽENIH PRAVNIH RJEŠENJA**

**PRVO POGLAVLJE – OPĆE ODREDBE** (od Čl. 1. do Čl. 12.) reguliše predmet Zakona, principe djelovanja, definicije u smislu Zakona o sprečavanju sukoba interesa u institucijama Bosne i Hercegovine, nespojivosti, nemogućnost obavljanja javne funkcije u javnom preduzeću, privatnim preduzećima u vrijeme i nakon prestanka obavljanja iste, u agencijama za privatizaciju, zabranu djelovanja u slučaju sukoba interesa, zabranu sklapanja ugovora o pružanju ličnih usluga s javnim preduzećima, angažman bliskih srodnika, zabranjene aktivnosti javnog zvaničnika u vezi s obavljanjem javne funkcije, primanje poklona i zabrane obavljanja dužnosti ovlaštenih osoba u fondacijama i udruženjima.

**DRUGO POGLAVLJE – OTVORENOST** (od Čl. 13. do Čl. 15.) reguliše način podnošenja izvještaja javnog zvaničnika o imovini i prihodima, sadržaj izvještaja i registar prihoda i imovine javnog zvaničnika.

**TREĆE POGLAVLJE – PROVOĐENJE I POSTUPAK PRED CIK-om BiH** (od Čl. 16. do Čl. 21.) reguliše nadležnost CIK-a BiH za provođenje Zakona o sprečavanju sukoba interesa u institucijama Bosne i Hercegovine, opće odredbe postupka, sankcije, žalbeni postupak, izvršenje sankcija i rokove zastarijevanja za pokretanje i vođenje postupka zbog kršenja odredbi ovog zakona.

**ČETVRTO POGLAVLJE – PRIJELAZNE I ZAVRŠNE ODREDBE** (od Čl. 22. do Čl. 24.) reguliše provođenje Zakona o sukobu interesa Federacije Bosne i Hercegovine, Republike Srpske i Brčko Distrikta Bosne i Hercegovine, te primjenu Zakona na započete postupke i njegovo stupanje na snagu.

**OFFICE OF THE  
HIGH REPRESENTATIVE**

Emerika Bluma 1, 71000 Sarajevo  
Tel: 387 71 447275 Fax: 387 71 447420

**Fax Cover Sheet**

**To:** gđa Fazila Musić  
**Fax No:** 201 683  
**From:** Edouard d'Aoust  
**Function:** Šef odjela za pravna pitanja  
**Date:** 09. 06. 2009.

**No of Pages:** 1 + 6

Poštovana gospodo Musić,

Ljubazno vas molim da pismo, koje se nalazi u prilogu, prosljedite g. Novakoviću i članovima radne grupe za izradu Zakona o sukobu interesa u institucijama vlasti Bosne i Hercegovine.

S poštovanjem,

Asisitenti pravnog odjela

**Edouard d'Aoust**  
Head of Department for Legal Affairs

8 June, 2009  
051/2009/DG/SS

Mr. Momčilo Novaković  
Chairman of the Inter Agency Working Group for  
Preparation of the Law on Conflict of Interest in  
Governmental Institutions of Bosnia and Herzegovina.

Dear Mr. Novaković

We have received the draft changes to the State Law on Conflict of Interest in Governmental Institutions of Bosnia and Herzegovina, proposed by the Inter Agency Working Group during its meeting held on Jahorina on 11<sup>th</sup> and 12<sup>th</sup> May, and improved with additional proposals made by the Central Election Commission of Bosnia and Herzegovina. We would like to submit our comments and proposals to the proposed draft law.

**In the first paragraph of Article 3**, the definition of "gifts" should clearly prohibit gifts from a single source to a single public official, which total more than 200 KM in any calendar year. In other words, it should not be possible for a single source to give multiple gifts of 199 KM to a public official without any limit on the total amount given.

**The second paragraph of Article 4**, as drafted, provides for the possibility for public officials to serve as members of one steering board, supervisory board or an assembly of a public company without being entitled to remuneration. This proposed change ignores the inherent conflict between the political interests of the public official and the business interests of the public company. The political oversight of a public company is properly exercised through the appointment and dismissal of steering board or supervisory board members. The direct political interference in the operations of a public official would be inappropriate.

**In Article 6**, the end of the second paragraph should be changed to read as follows; "... when the total value of the contracts or the business with all governments exceeds thirty thousand convertible marks (30,000 KM) per year." It should be made clear that the 30,000 KM figure is a cumulative total of any and all contracts with governments.

**In the third paragraph of Article 7**, the Working Group agreed that "*if the public official violates this article, the vote or decision of the public official shall be deemed null and void, whereas the annulment procedure shall be initiated by the Office of Attorney General of BiH*". The language of this provision, in particular concerning the responsible bodies and procedure, should be tightened. Under the proposed draft, it is not clear who shall declare the mentioned decision null and void.

The comment made for Article 7 applies to **Article 8 paragraph 3**.

**Article 9** of the proposed changes excludes the application of Article 4 and the incompatibilities provided therein to close relatives. This change may lead to serious abuse of office by providing opportunity to the public officials to favour members of their close families. Therefore, we suggest to return to the articles applicable to close relatives of public officials as contained in the law currently in force.

Also in **Article 9**, the draft limits the applicability of the Law to cases where public officials and their close relatives perform duties at the same level of government. Taking into consideration the size and population of Bosnia and Herzegovina, we are of the opinion that this may lead to serious abuse, in particular at the local level. The personal influence of public officials at the State level in their local communities carries a certain weight, sometimes even bigger than at the level public official holds the office. Therefore, we would propose to delete the text after the words "... at the same level of government at which the public official holds office".

**The first paragraph of Article 11** should include the definition of "Protocolary gifts." These are the gifts given specifically in relation to the office. This is a narrower category of gift than the definition in Article 3.

**In the second paragraph of Article 11**, the reference to "occasional gifts of small value" should be deleted. This concept is already included in the general definition of gift, which says that gifts of 200 KM or less are excluded from the law.

Also in the **third paragraph of Article 11**, the gifts in the amount not exceeding KM 200 should also be reported, as Paragraph 4 of the same Article provides that "*paragraph 2 also applies to several gifts given by the same donor in the course of 1 year.*" Several gifts given by the same donor in the term of one year may easily exceed value of 200 KM.

**The second paragraph of Article 18** provides that the mandate of a public official shall be terminated *ex lege* when a sanction imposed by the CEC for violation of Articles 4, 5, 6, 7, 9, 10 and 12 of this Law becomes final and binding.

I understand that all Parliamentarians were in favour of such sanction that replaces the sanction of ineligibility provided for under the Law currently in force. However, one must consider that the termination of the mandate of the public official provided for in the draft Law may have adverse effect insofar as such sanction will be lighter if taking effect at the end of a public official's mandate than if taking effect at the beginning of his/her mandate. As such, the sanction shall hardly be proportional to the violation of the law and its severity shall only depend on the time a sanction is imposed by the CEC. Such system could even constitute an incentive to hide, as long as possible, a situation of conflict of interest.

For this reason and in order to equalize sanctions for similar violation of the law, we suggest that in certain cases, the sanction of termination of mandate must be supplemented by a sanction of ineligibility to public office for a certain period of time.

The second paragraph of Article 22 provides that, in order for the Entities and Brcko to authorize the CEC to implement their respective laws in the field of conflict of interest, they have to harmonize their laws with the principles of this Law. This raises a number of questions that need to be addressed. Firstly, the CEC is currently implementing the laws adopted by the Federation of BiH and the Brcko District. One can wonder whether the CEC will still be in a position to do so in the period from the entry into force of those amendments and the entry into force of the amendments harmonising the Brcko and Federation laws with the Law of Bosnia and Herzegovina. As a result, a deadline should be given to the entities and the District to harmonise their legislation during which the CEC would continue, where applicable, to implement the laws currently in force at those levels.

Also, the amendment specifically refers to the CEC and its role in implementing entity and Brcko laws. The mandate given to the CEC should be interpreted in a restrictive manner. As a result, it seems that administrative procedures against cases decided by the CEC under an entity or the District law would have to be initiated in front of the relevant entity or District Courts. This situation is less than satisfactory as it could lead to the existence of different case-law related to the application of the same legal provisions. As a result, we would suggest that the words "authorise the CEC" be replaced by the words "authorise the relevant institutions of Bosnia and Herzegovina" in paragraph 1 of Article 22.

I hope that these comments will assist the Working Group in its endeavour to draft a solid law regulating conflict of interest for public office holders. We remain at your disposal for any further information you may need.

Yours sincerely,



Edouard d'Aoust



**Edouard d'Arust**  
Šef Odjela za pravne poslove

8. juna 2009.  
051/2009/DG/SS

G. Momčilo Novaković  
Predsjedavajući Interresorne radne grupe za  
izradu Zakona o sukobu interesa u  
institucijama vlasti Bosne i Hercegovine

Poštovani g. Novakoviću,

dobili smo nacrt izmjena državnog Zakona o sukobu interesa u institucijama vlasti Bosne i Hercegovine, koji je predložila Interresorna radna grupa tokom svojih sastanka održanih na Jahorini 11. i 12. maja, a poboljšala dodatnim prijedlozima Centralna izborna komisija Bosne i Hercegovine (CIK BiH). Želimo dostaviti naše komentare i prijedloge na predloženi nacrt zakona.

**U stavu 1. člana 3. nacrta**, definicijom "poklona" treba jasno zabraniti poklone iz jednog izvora jednom javnom zvaničniku, čija je ukupna vrijednost veća od 200 KM u bilo kojoj kalendarskoj godini. Drugim riječima, ne bi trebalo biti moguće da se iz jednog izvora poklanjaju u više navrata pokloni u vrijednosti od 199 KM nekom javnom zvaničniku, a da pri tome ne postoji nikakvo ograničenje na ukupan iznos koji se poklanja.

**U stavu 2. člana 4. nacrta** pruža se mogućnost javnim zvaničnicima da mogu biti članovi u jednom upravnom odboru, nadzornom odboru ili skupštini javnog preduzeća, bez prava na naknadu. Ovom predloženom izmjenom zanemaruje se inherentni sukob interesa između političkih interesa javnog zvaničnika i poslovnih interesa javnog preduzeća. Politički nadzor javnog preduzeća se propisno obavlja putem imenovanja i razrješenja članova upravnog odbora odnosno nadzornog odbora. Direktno političko uplitanje u poslove javnog zvaničnika bilo bi neprimjereno.

**U članu 6. nacrta**, završetak stava 2. potrebno je izmijeniti da glasi; "...onda kada je ukupna vrijednost ugovora ili poslova sa svim vladama veća od trideset hiljada konvertibilnih maraka (30.000,00 KM) godišnje." Potrebno je pojasniti da je suma od 30.000 KM kumulativni zbir svih ugovora s vladama.

**U stavu 3. člana 7. nacrta**, Radna grupa se saglasila da "u slučaju da javni zvaničnik prekrši odredbe ovog člana, njegov glas ili odluka smatrat će se ništavom, a postupak za poništenje će pokretati Pravobranilaštvo Bosne i Hercegovine". Formulaciju ove odredbe potrebno je pojačati, naročito u pogledu nadležnih tijela i postupka. Prema predloženom nacrtu, nije jasno ko će proglasiti pomenutu odluku ništavom.

Komentar na član 7. odnosi se i na **član 8. stav 3.**

**Članom 9.** predloženih izmjena isključuje se primjena člana 4. i nespojivosti predviđene u njemu u pogledu bliskih srodnika. Ova izmjena mogla bi dovesti do teške zloupotrebe položaja tako što bi se javnim zvaničnicima pružila mogućnost da favorizuju članove svoje uže porodice. Stoga predlažemo da se vrate članovi koji se primjenjuju na bliske srodnike javnih zvaničnika koji su sadržani u zakonu koji je trenutno na snazi.

Takođe u **članu 9.** nacrtom se ograničava primjena Zakona na slučajeve u kojima javni zvaničnici i njihovi bliski srodnici vrše dužnosti na istom nivou vlasti. Uzimajući u obzir veličinu i stanovništvo Bosne i Hercegovine, mišljenja smo da ovo može dovesti do teških zloupotreba, naročito na lokalnom nivou. Lični uticaj javnih zvaničnika na državnom nivou u njihovim lokalnim zajednicama nosi sa sobom određenu težinu, ponekad veću od one na nivou na kojem javni zvaničnik obavlja funkciju. Stoga bismo predložili da se izbriše tekst iza riječi "... na istom nivou vlasti na kojem javni zvaničnik obavlja funkciju".

**U stavu 1. člana 11. nacrta** potrebno je uvrstiti definiciju "protokolarnih poklona." To su pokloni koji se poklanjaju konkretno u uskoj vezi s funkcijom. Ovo je uža kategorija poklona od one u definiciji iz člana 3.

**U stavu 2. člana 11. nacrta,** potrebno je izbrisati upućivanje na "prigodne poklone male vrijednosti". Ovaj koncept je već uvršten u opću definiciju poklona, u kojoj se kaže da pokloni čija vrijednost ne prelazi 200 KM nisu obuhvaćeni zakonom.

Takođe u **stavu 3. člana 11. nacrta** trebaju se prijaviti i pokloni čija vrijednost ne prelazi 200 KM, budući da se stavom 4. istog člana predviđa da se "*poklonom u smislu stava 2. ovoga člana smatra i više poklona poklonjenih od strane iste osobe u razdoblju od jedne godine*". Više poklona poklonjenih od strane iste osobe u razdoblju od jedne godine može lako premašiti vrijednost od 200 KM.

**Stavom 2. u članu 18. nacrta** predviđa se da će mandat javnog zvaničnika prestati po sili zakona kada sankcija izrečena od strane CIK-a BiH zbog kršenja članova 4., 5., 6., 7., 9., 10. i 12. ovog Zakona postane pravosnažna.

Shvatam da su se svi parlamentarci zalagali za takvu sankciju kojom se zamjenjuje sankcija nepodobnosti predviđena prema Zakonu koji je trenutno na snazi. Međutim, mora se uzeti u obzir da prestanak mandata javnog zvaničnika predviđen u nacrtu Zakona može imati negativne posljedice utoliko što će takva sankcija biti blaža ako stupi na snagu na kraju mandata javnog zvaničnika nego ako stupi na snagu na početku njegovog mandata. Kao takva, ova sankcija teško da će biti srazmjerna ozbiljnosti kršenja zakona i njena će težina isključivo zavisiti od vremena izricanja sankcije od strane CIK-a BiH. Takav sistem bi čak mogao predstavljati podstrek da se situacija sukoba interesa krije dokle god je to moguće.

Zbog tog razloga, i radi ujednačavanja sankcija za slična kršenja zakona, predlažemo da se u određenim slučajevima sankcija prestanka mandatu mora dopuniti sankcijom nepodobnosti za obavljanje javne funkcije tokom određenog vremenskog razdoblja.

**Stavom 2. u članu 22. nacrta** predviđa se da će, u cilju da cvlaste CIK BiH na provođenje njihovih zakona u oblasti sukoba interesa, entiteti i Brčko Distrikt morati da usklade svoje

zakone s načelima sadržanim u ovom Zakonu. Ovim se postavlja niz pitanja koja je potrebno rješavati. Kao prvo, CIK BiH trenutno provodi zakone koje su usvojili Federacija BiH i Brčko Distrikt. Možemo se zapitati hoće li CIK BiH i dalje biti u poziciji da to obavlja u razdoblju od stupanja na snagu ovih izmjena i dopuna, te stupanja na snagu izmjena i dopuna kojima se usklađuju zakoni Brčko Distrikta i Federacije BiH sa Zakonom Bosne i Hercegovine. Shodno tome, entitetima i Brčko Distriktu potrebno je dati rok za usklađivanje njihovog zakonodavstva, tokom kojeg bi CIK BiH nastavila, tamo gdje je primjenjivo, da provodi zakone koji su trenutno na snazi na tim nivoima.

Takođe, izmjenom i dopunom se konkretno upućuje na CIK BiH i njenu ulogu u provođenju entitetskih i zakona Brčko Distrikta. Mandat dodijeljen CIK-u BiH treba tumačiti na restriktivan način. Shodno tome, čini se da bi se upravni postupci u odnosu na predmete u kojima odlučuje CIK BiH prema zakonu entiteta ili Brčko Distrikta morali pokretati pred relevantnim sudovima entiteta odnosno Brčko Distrikta. Ovakvo stanje je manje zadovoljavajuće, budući da bi moglo dovesti do postojanja različite sudske prakse u vezi s primjenom istih zakonskih odredbi. Shodno tome, predložili bismo da se riječi "ovlastiti CIK BiH" zamijene riječima "ovlastiti mjerodavne institucije Bosne i Hercegovine" u stavu 1. člana 22.

Nadam se da će ovi komentari pomoći Radnoj grupi u njenim nastojanjima da izradi solidan zakon kojim se regulira sukob interesa za vršioce javnih funkcija. Stojimo vam na raspolaganju za sve dodatne informacije koje vam eventualno budu potrebne.

S poštovanjem,

(potpis)  
Edouard d' Aoust



Office of the High Representative in Bosnia and Herzegovina  
Emezika Bluma 1, 71 000 Sarajevo - 387 33 283 500 - fax: 387 33 283 501  
Rue Wiertz 50, 1050 Brussels - 322 234 1400 - fax: 322 234 7401

**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-07-3718-4/09  
Sarajevo, 4.12.2009. godine

Дојаву 7.12/09  
05:00  
07.12.09

БОСНА И ХЕРЦЕГОВИНА  
МИНИСТАРСТВО ПРАВДЕ  
САРАЈЕВО

ПРИМЛ. Г. 05-07-3718-4/09			
ОПШТИНА	ОПШТИНА	ОПШТИНА	ОПШТИНА
КОМ. П.	КОМ. П.	КОМ. П.	КОМ. П.

*Prima pismo  
komisijom Venecijanske  
8.12.09*

**MINISTARSTVO PRAVDE**  
*- n/r tajnika Ministarstva -*

**SARAJEVO**

**PREDMET:** Obavijest o zaključcima Vijeća ministara BiH

Vijeće ministara Bosne i Hercegovine, na 106. sjednici održanoj 3.12.2009. godine, utvrdilo je Prijedlog zakona o sprečavanju sukoba interesa u institucijama Bosne i Hercegovine.


Zaključeno je da se Prijedlog zakona dostavi Parlamentarnoj skupštini Bosne i Hercegovine, uz prijedlog da se razmatra po osnovnom zakonodavnom postupku.

Zaduženo je Ministarstvo pravde da Parlamentarnoj skupštini Bosne i Hercegovine uz Prijedlog zakona dostavi i pismo Ureda Visokog predstavnika, a koje se odnosi na ovaj prijedlog zakona.

Vijeće ministara takođe preporučuje Parlamentarnoj skupštini Bosne i Hercegovine da u toku parlamentarne procedure zatraži mišljenje eksperata Venecijanske komisije o predmetnom zakonu a u skladu sa prijedlogom iz pisma Visokog predstavnika.

O zaključcima vas informiramo radi njihove provedbe.

S poštovanjem,



**GENERALNI TAJNIK**  
*Zvonimir Kutleša*